



Aningaasaqarnermut Naalakkersuisoq

Ulloq: 8. marts 2019
J.nr.: 01.31.06/19-00834

Aningaasaqarnermut Akileraartarnermullu Ataatsimiititaliap pingasunngornermi ulloq 6. marts 2019-imi aalajangiussaa pillugu Naalakkersuisunut ilisimatitsissut.

Kontut pingarnerit 84.40.15 Ilanniartut inaannik sanaartorneq Nanortalimmi atuartut angerlarsimaffiat aamma 84.45.01 Oqaluffimmik iluarsaassineq, Ittoqqortoormiit akornanni missingersuutinut sunniuteqanngitsunik nuussineq - Suliaq nr. 01.31.06/19 – 00834.

”Naalakkersuisut **inassutigaat**,

konto pingarneq 84.40.15-imi Ilanniartut inaannik sanaartorneq, suliassap nr. 010.52.060 Nanortalimmi atuartut angerlarsimaffiat, aningaasaliissutit 955.000 mio. koruuninik ikilisinneqassasut.

konto pingarneq 84.45.01-imi Ilagiit, suliassap nr. 190.58.041 Oqaluffimmik iluarsaassineq, Ittoqqortoormiit, aningaasaliissutit 955.000 koruuninik 2019-imi amerlineqassasut.”

Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:

Suliassamik saqqummiussinermi missingersuusiornermut malittarisassani aalajangersarneqartutut suliassami paassisutissat attuumassutilit Naalakkersuisut saqqummiunniarneqarsimasut ataatsimiititaliamit maluginiarneqarpoq. Suliassamili matumanii pisariunngitsutut oqaatigineqarsinnaasumi suliassap erseqqinnerusumik saqqummiunneqarsimanissaataatsimiititaliamit amigaatigineqarpoq. Suliap paasinarnerusumik saqqummiunneqarnissaanut kisitsisitigut paassisutissat atorneqassasut ataatsimiititaliamit siunnersuutigineqassaaq, kisitsit akunnaallisakkat akunnaallilerneqanngitsullu ataatsimoortinnejnarerat tassunga atattillugu pitsavallaanngilaq.

Naatsorsuutigingisamik aningaasartuutaajunnartut sillimaffiginiarlugit taakkununnga 437.802 kr.-inik missingersuusiorqartoq Naalakkersuisut isummernissaannut tunngavissiam allassimavoq. Tunngavilersuut taanna ataatsimiititaliamit assut eqqumiigineqarpoq. Tassunga atattillugu missingersuusiornermut malittarisassat ataatsimiititaliamit innersuussutigineqassapput, tassani tunngavissaatinneqarpoq nutaanik aningaasaliissuteqarnissamik imaluunniit aningaasaliissutinik allanngortitsinissamik qinnuteqaatit iliutsinut pingaarutilinnut aammalu aningaasanut inatsisip suliarineqarnerani siumut naatsorsuutigineqarsinnaasimangitsunut taamaallaat tunngassasut. Taamaalillunilu ataatsimiititaliap isumaa malillugu aningaasaliissutit qinnuteqaatigineqartut tamarmik aningaasartuutissanut naatsorsuutigineqareersinnaanngitsunut tunngapput. Tamatuma saniatigut atuinerussuteqarnermut atuinikinnerusuteqarnermulluunniit tunngatillugu assersuutigalugu suliassaqarfimmut 80-89-imut sanaartugassanut iluarsagassanullu tunngasumut oqaasertaliussaq nr. 1-imi aamma nr. 2-mi aalajangersakkat ataatsimiititaliamit innersuussutigineqassapput. Tamatuma Naalakkersuisunit nassuiarneqarnissaa ataatsimiititaliamit kissaatigineqarpoq.

Aningaasaqarnermut Akileraartarnermullu Ataatsimiititaliap aalajangiinera
Siuliani allassimasutut oqaaseqaateqarluni Naalakkersuisut inassuteqaataat Aningaasaqar-
nermut Akileraartarnermullu Ataatsimiititaliamit **akuerineqarpoq.**

Inussiarnersumik



Hermann Berthelsen

Aningaasaqarnermut Akileraartarnermullu Ataatsimiititaliamut Siulittaasoq